

## 8. PRAVO NA DJEČIJI DOHODAK

Pravo na dječiji dodatak pripada porodici sa djecom koja se neposredno brine o djetetu, a čiji mjesečni prihodi po članu domaćinstva ne prelaze 15% od prosječne neto plaće Kantona ostvarene u godini koja prethodi podnošenju zahtjeva.

Cenzus se ne odnosi na ostvarivanje prava na dječiji dodatak za porodicu koja se brine o djetetu bez oba ili jednog roditelja, porodicu koja ima dijete ometeno u fizičkom ili psihičkom razvoju i porodicu u kojoj dijete ili jedan od roditelja imaju najmanje 60% oštećenje organizma, jer ovo pravo mogu ostvariti bez obzira na prihodovne i imovinske uslove. Prihodi porodice se dokazuje po osnovu:

- a) plaća i drugih primanja iz radnog odnosa;
- b) starosne, invalidske i porodične penzije;
- c) poljoprivredne djelatnosti (tj. katastarski prihod iz prethodne godine);
- d) primanja po propisima o boračko-invalidskoj zaštiti i zaštiti civilnih žrtava rata;
- e) prihoda ostvarenih po osnovu imovinskog prava;
- f) prihoda ostvarenih po osnovu privredne, uslužne i druge djelatnosti;
- g) dopunskog rada;
- h) i drugih primanja.

U smislu nevedenog prihodom se ne smatraju: novčane naknade po osnovu prava lica sa invaliditetom, stipendije, krediti učenika i studenata, alimentacije i jednokratne pomoći.

Pravo se ostvaruje po svakom djetetu koje je uzrasta do 15. godina i dalje sve dok se nalazi na redovnom školovanju, a najdalje do navršениh 27. godina života. Za dijete ili mlađe punoljetno lice koje je nesposobno za samostalan život i rad, a nesposobnost je nastupila do 15. godine života ili u toku redovnog obrazovanja, dječiji dodatak se može ostvarivati najduže do navršene 27. godine života. Pravo na dječiji dodatak pripada i djetetu ili mlađem punoljetnom licu koje ostvaruje pravo za osposobljavanje na samostalan život i rad. Porodici koja ispunjava prihodovne i imovinske uslove, kako je to propisano Kantonalnim zakonom, iznos dječijeg dodatka pripada u iznosu od 2% od prosječne plaće Kantona, a porodici kojoj se ne utvrđuju prihodovni i imovinski uslovi pripada iznos dječijeg dodatka od 3% od prosječne plaće Kantona.

**Zahtjev** za ostvarivanje prava se podnosi putem centra za socijalni rad ili putem službe socijalne zaštite Doboju-Jug ili Usora. U drugostepenom postupku žalbe rješava Ministarstvo za rad, socijalnu politiku i izbjeglice Ze-Do kantona.

## Potrebna dokumentacija za razmatranje i odlučivanje po zahtjevu za ostvarivanje prava na dječiji dohodak

Rn. br.	Traženi dokument	Izdat od
1.	Lična karta na uvid na osnovu koje se u Centru za socijalni rad/ Općinskoj službi sačinjava službena zabilješka	MUP Zeničko-dobojskog kantona
2.	Prijava prebivališta-boravišta	MUP Zeničko-dobojskog kantona
3.	Izjava o zajedničkom domaćinstvu	Nadležna općina/grad-šalter sala
4.	Izvod iz matične knjige rođenih za dijete-djecu	Nadležna općina/grad-matični ured
5.1.	platna lista, uvjerenje ili drugi dokaz o nezaposlenosti	Poslodavac/Biro za zapošljavanje
5.2.	Uvjerenje o osiguranju za osobu koja nije na evidenciji Biroa za zapošljavanje	Zavod zdravstvenog osiguranja
5.3.	ček od posljednje penzije-starosne, invalidske ili porodične	FZ PIO/MIO
5.4.	uvjerenje o katastarskom prihodu	Ured za katastarske poslove
5.5.	uvjerenje o primanju po propisima u boračko-invalidskoj zaštiti	Gradska/općinska služba za boračko-invalidsku zaštitu
5.6.	uvjerenje o primanju iz oblasti civilnih žrtava rata	Gradska/općinska služba ili Centar za socijalni rad
5.7.	uvjerenje o prihodu obveznika, obavljanju dopunskog rada, uslužne ili druge djelatnosti	Poreska uprava
5.8.	ostala primanja	Nadležna ustanova/organ, poslodavac ili dr.
6.	Potvrda o redovnom pohađanju škole za djecu/mlade osobe školskog uzrasta od 15. godina i više	Obrazovna ustanova
7.	Izvod iz matične knjige umrlih za roditelja/e	Nadležna zdravstvena ustanova doktor porodične medicine ili pedijatar
8.	Nalaz i mišljenje Komisije o sposobnosti i razvrstavanju djece i omladine ometene u fizičkom ili psihičkom razvoju	Prvostepena stručna komisija za ocjenjivanje sposobnosti i razvrstavanje djece i omladine ometene u fizičkom ili psihičkom razvoju
9.	Rješenje ili uvjerenje o stepenu oštećenja organizma roditelja ili djeteta	Nadležna ustanova ili institucija
10.	Tekući račun	Banka

### Napomena:

- Dokumenti/dokazi 2,3,5 i 6 ne stariji od 6 mjeseci
- Dokumenti/dokazi se dostavljaju original/ovjereni kopija
- Dokumenti/dokazi pod br. 8 i 10 se mogu dostaviti u kopiji